

中國圖書集成

卷一百一十五

中國書畫全書

第十二冊



目 錄

- 遲鴻軒所見書畫錄·楊峴·一
歸石軒畫談·楊翰·七一
夢園書畫錄·方濬猷·一七三
虛齋名畫錄·龐元濟·三七四
虛齋名畫續錄·龐元濟·六二四
紅豆樹館書畫記·陶樸·七〇三
閩中書畫錄·黃錫蕃·八五六
墨林今話·蔣寶齡·九四三
甌鉢羅室書畫過目考·李玉棻·一〇六二

遲鴻軒所見書畫錄

歸安 楊 峴編著

楊峴字見山號庸齋晚號藐翁。清歸安人。咸豐舉人。累官權知常州府。生卒不詳。畢生雅好賞玩書畫。熟悉流派淵源。差能斟酌得失。褒貶不違其實。且意在簡要。不事繁文。所著遲鴻軒所見書畫錄四卷。曲園俞樾序而稱之。并由文學山房聚珍版刊行。今即據以斷句排印。

遲鴻軒所見書畫錄

物莫不聚于所好。非物聚之心聚之也。心苟好是則必遐搜博覽喜其得而懼其失故隨得隨聚亦愈得愈聚。久之向所不得者亦因所得而來聚。然而物也。瀰漫天地流著古今非俟好者而後示之特遇好者而後知之而後求之。其不好者熟視若無覲也。此凡事皆然。而古之人精耽道術則聚之于心遂筆之于手彙其說而傳之其人歟。若庚元威論書論畫布在藝林共諸同好也。楊氏為歸安巨族鑒賞名家烜赫是藏人百其喙。吾友見山少嗜翰墨長則彌精喜新之所得懼昔之所失。故見夫名人手迹必詳考其淵源審其筆墨定其真偽大率以名家為主兼及其師弟子孫不憚煩複。若經史金石考核名家高僧淑媛所見無不采錄。研心歲久獲觀日多編次成帙出為鑒定所好者率多同心名曰書畫錄。以其編所見者誠不能該備無遺而一代聞人名迹集成一冊亦略可觀矣。有同好者覽之宜如何羨其眼福哉。見山年方鼎盛學業正遙以一心之好而所聚如是則凡理之可以好而聚者其知所以聚之矣。夫書畫業之一也鑒書畫亦學之一也。君其然此言平否乎。同治十年芙月上浣。世愚弟曲園俞樾拜手。

序

予素嗜書畫奈終撲朔迷離莫辨真偽誠以為大恨也。迨至今春偶收得歸安楊先生所輯之書畫錄是佚乃先生手抄舊稿本披讀一過恍若與真迹相對再三研究始能免魚目之欺。是編考核精嚴評論的確無怪鑒賞家多傾心而悅佩焉。如卷中之彭竺里張兔公高固齋楊水心劉雲茶李白樓皆久未考悉今方釋然。噫。近學之流輒蒐集唐宋贗鼎珍而藏之以為風雅其愚良可憫矣。是編悉從明末清初紀載詳確非偽作所能望其項背實鑒賞之良助也。然論畫諸編皆有傳本維此獨無豈不惜哉。余不敢自秘即付梓人刷印千部以公同好俾初學家各存一帙朝夕研究藉得鑒賞之真也。歲次辛酉臘月既望。吳縣鐵道人敬序。

自序

書畫名家自晉迄元盛矣世傳特罕僅于著作諸編存姓氏里居讀者類同耳食求其真迹寓目難矣哉。至明則祝希哲聶壽卿淵源承旨實乃闡發右軍。莫秋水黃石齋悉滌蘇米積習自求精謹。文衡山沈啓南形貌雖殊同一鼻孔出氣。仇實父唐六如彙萃宋元兼通算除界畫董香光書接平原畫追北苑鼎能冠世畢竟天人。凡此各家允為書畫嫡傳餘則自矜所尚好古之家久經論定。迨清朝筆與名家蔚起。書則姜汪何陳畫則四王吳惲各標高譽而能事畢矣。他如書家之王翊林張涇南劉石庵畫家之楊西亭黃尊古董孚存一時繼起為世所推。爰及中葉則有詒晉齋鐵冶亭王禹卿方循遠黃穀原戴鹿床不可枚舉。而繆篆則又有錢獻之洪又蛭孫季述。分隸則桂未谷伊墨卿黃秋壘。兼篆隸者則鄧完白陳曼生。其兼行楷篆隸者則翁蘇齋蔡生甫人物則陳章侯改伯蘊花鳥則華秋岳李復堂兼人物花鳥者則金壽門費子若白描則萬年少寫照則禹慎齋指墨則高韋之左腕則高雲阜乾皴則李某園水墨則錢籀石。至于小楷章草飛白鐘鼎梅蘭博古雁蟹鬼趣各有專家亦足前後媲美馳

聲藝院焉。故有名人法書考以紀書也。畫徵錄墨林今話以紀畫也。自時厥後既乏巨製之邁前賢更稀札記留續後起偶見近人手迹反無從而考核之抑亦憾事矣。余性耽書畫幼已成癖。每逍遙于古肆討論于老成詢知真偽之分全在搜羅之富也。因就正于景劍泉閣學其溶曾笙巢侍御協均。探索兩家秘笈聆奇瞬美晷且不疲夜分就枕展轉精思。更與心泉長老明基結方外緣。并得其所資益三十年精力所聚蒙督頓開猶移突釋矣。余自從江蘇松江府辭官而後瑟居療蹢聊浪鮮歡欲求賞心悅目之品不可得而見焉。偶檢行笥得曩時所輯書畫錄一編詳加厘定自慚躁妄益滋愧怍然而酷嗜微忱未肯遂弃。重為增輯復添百五十家。而疇昔所見憶有未確者刪之重見疊出者更之。意在簡潔事每闕失。況我朝文治光昌卓越。前代書畫流傳儼為不朽功業名公巨卿靡不收之自足貴也。而鄙俗之子市井之徒伎倆紛歧朝得皮相暮偽托名贗鼎層出見者昧矣。夫聞諸緒論猶不足資考證僅專求筆記間又烏能辨真偽乎。是以文義歲月行款題跋期明晰罔煩觀縷。竊幸明末迄今流風未久尚易鑒評。工于審定之家觸手延睇自立判焉。彙茲一編分為四卷。凡著錄者則千家未滿謹志眼福之緣心焉嚮往喜良朋之共賞聊勝雲烟空過耳。若謂鑒別之助則挂一漏萬固難免博雅君子所騰笑也已。同治十二年癸酉伏日。見山楊峴識于歸安遲鴻軒。

例言

- 一 凡是編皆取其人以書畫傳。間有不名書畫而精通其理或鑒藏不爽或考證無遺要必有過目筆墨者始具錄焉。
- 一 凡大家書畫流傳多寡不一。是編祇慎擇詳審不肯以偽作羈廁其中亦不能備登所見者。
- 一 大家父子兄弟叔侄并世擅名暨子孫克紹師弟相承偶附本傳之末。其另紀于後者亦必述其淵源乃考核非一時并非存軒輊之意

耳。

- 一 小傳後紀以卷冊屏幀。次便面。偶有擇錄款識文字歲月亦出過目時之默記難無隻字之訛幸不因此生疑。
- 一 凡書畫之傳有初年暮年精意隨意之別謬附評騭專就過目者而言不無失當之處真鑒家不必據依此論。
- 一 是編編輯全憑考核謬誤相承自所不免。且編中所紀僅就已意為斷少有阿好者亦可有目所共賞。
- 一 物理無常得失靡定。編中所紀某藏亦就過目時言嗣後見于它處殊不可定但非智取豪奪庶子孫得以久守。
- 一 紀載諸書皆以名媛釋道附後俾有別焉。惟匠役女冠優妓不無可傳之人惜過目者少未便另立專門。
- 一 如紅豆樹館書畫記書畫鑒影愛吾廬書畫記多載全文印章紙絹尺寸題跋彼專紀其所藏。茲曰書畫錄皆出一瞬之見殊難詳錄而家藏者又屬無多。若志兩歧則眉目必紊。
- 一 紀書畫諸編莫精于佩文齋書畫譜。然所詳者前代至詳紀我朝則有畫徵錄百幅庵畫寄墨香居畫識畫林新咏墨林今話桐陰論畫等編皆紀畫而不紀書。若名人法書考名人尺牘小傳又紀書而不紀畫。至藝芳書畫錄式古堂書畫彙考河間書畫錄與夫蝶隱庵書畫綴等編則多詳于遠者而略于近人。茲自明季遺老迄今日已故諸家凡所過目者兼書畫識之不復區別。庶備一代人文之考更志一時眼福之幸。
- 一 紀畫諸編首錄列聖奎藻彼特以畫言茲兼考及書。我朝聖聖相承無不天章炳煥何煩縷及未敢襲登。
- 一 書家之楹聯最盛于昭代擬另編楹帖彙考載及聯語邊款印章是編概予不入。
- 一 各立小傳先詳字號以及別號晚稱次籍里次科第官階學業梗概撰

蕭	邊	錢	顏	關	潘	孫	袁	溫	文	秦					陳	梅	黎	奚
蕭雲從	邊壽民	錢大昕	顏光敏	關槐	潘奕雋	孫承澤	袁于令	溫儀	文從簡	秦儀	陳允升	陳鴻壽	陳鍾豫	陳馥	陳士璠	陳洪綬	黎簡	奚岡
蕭晨	錢元章	錢世徵	顏炳	關炳	潘恭壽	孫克弘	袁佑		文枬	秦大士		陳均	陳鼎	陳靖	陳岷	陳梓		
	錢冰	錢陳羣			潘曾瑩	孫逸	袁鉞		文鼎	秦瀛		陳增	陳希濂	陳希祖	陳之遴	陳元龍		
	錢松	錢維城				孫岳頌	袁濤			秦炳文		陳經	陳詩庭	陳鏞	陳梁	陳邦彥		
	錢聚朝	錢載				孫阜	袁枚					陳潮	陳嵩慶	陳倬	陳廷敬	陳撰		

張	楊	余	查	沙	田	何	羅	陶	曹	高	毛	包	焦	姚
張祥河	楊法	余國觀	查士標	沙神芝	田祥	何元英	羅聘	陶之金	曹代	高其佩	高士奇	毛宗文	焦秉貞	姚宏度
張瑩	楊旭	查繼佐				何焯	羅清		曹培元	高鳳翰	高簡	毛際可	包棟	姚燾
張維屏	楊天璧	查昇				何其仁		羅存理	曹日瑛	高翔	高咏	毛奇齡		姚鍾德
張穆	楊中訥	查慎行				何道生		羅存	曹秀仙	高樹程	高層雲	毛上食		姚嗣懋
張士保	楊能格	查禮				何凌漢		羅源漢	曹惠華	高塏	高兆	毛樹棠		姚之麟
張熊														

汪挺
汪野
汪文伯
汪士鋐
汪繹

任熊

趙	管	閔	改	米	禹	鄔	伍	魯	杜	褚	許	呂	紀	李	史	項	孔	董	嚴	閻	林			
趙之謙	趙澄	管希寧	閔貞	米漢雯	禹之鼎	鄔希文	伍長華	魯得之	杜立德	褚廷琯	許儀	呂潛	紀映鍾	李育	李敬思	李世倬	李藩	史震林	項奎	孔尚任	董邦達	嚴繩孫	閻若璩	林佶
趙不承	趙執信								杜首昌		許箕			李潛	李世則	李豫德	李因篤		項聖謨	孔繼涑	董誥	嚴沆		林則徐
趙魏	趙曉										許乃普			李紱	李宗瀚	李方膺	李鎔		項恂		董洵	嚴虞惇		
趙學輯	趙昱										許敬			李鴻裔	李修易	李宗植	李蟬					嚴鉅		
趙之琛	趙秉冲													李慶良	李福	李倫	李為憲					嚴寅		

蔡	勵	計	厲	傅			顧	費	魏	宋	范	沈	鮑	井	冷	景	蔣	馬							
蔡嘉	勵宗萬	計楠	厲志	傅雯	顧升	顧洛	顧文淵	顧苓	費丹旭	魏裔介	宋光寶	宋曹	范驤	沈振麟	沈可均	沈鳳	沈顥	鮑楷	井玉澍	冷枚	景梁曾	蔣步瀛	蔣衡	馬元馭	趙鳳
蔡之定	勵守謙			傅山	顧大申	顧錦疇	顧靄吉	顧夢游		魏成	宋霖	宋珏	范永祺	沈容	沈銓	沈荃	鮑廷博					蔣寶齡	蔣維勤	馬日琯	趙光
蔡載福						顧皋	顧殷	顧炎武			宋湘	宋琬			沈榮	沈廷芳	沈翼					蔣予檢	蔣祥墀	馬履泰	
蔡遠						顧純	顧鶴慶	顧見龍			宋葆淳	宋肇			沈倬	沈宗騫	沈敬					蔣廷錫	蔣仁	馬振	
						顧純熙	顧光旭	顧昉				宋駿業			沈嘉林	沈起鯨	沈閔						蔣敬	馬士圖	

道家 張風 伊大麓 黃明薰 趙蓮 樊鎮
名媛 鍾惠珠 鍾若玉 徐昭華 徐燦 徐寶篆

吳正肅 吳藻 吳申 陳書 陳結璘

文淑 韓吉階 錢璩 錢琳 毛秀慧

黃媛介 黃蘊生 王玉燕 王素雯 楊端雲

方婉儀 方若徵 張玉 曹秀貞 顧眉

顧韶 顧蕙 柳隱 惲懷娥 惲珠

馬荃 管筠 焦氏 焦學漪 朱曉芳

董晚真 汪漣 汪廷慶 許淑慧 棟鄂夫人

蔣淑 蔣徽 鮑思 岳筠 趙昭

程金鳳 金淑 金蕊 畢慧 項保艾

陸蕙 薩克達氏

遲鴻軒所見書畫錄卷一

馮源濟字胎仙。順天涿州人。馮銓子。順治乙未翰林。書法南宮畫

宗北苑。世篤收藏。家泐快雪堂法帖稱涿拓本。清初移石入閩稱

建拓。後貢內府有高聖御跋遂稱內拓。余藏有綾本行書七律四首

立幀。款署子綸道丈假歸臨別贈言依韵和答云云。吳子復太守藏

有青綠仿北苑雲山立幀。屢欲乞歸未允。不審何時能再結一重畫

緣否。

馮景夏字伯陽號樹臣。浙江桐鄉人。康熙癸未舉人官刑部侍郎。山

水宗思白。年登大耋尤精小楷。上覽其畫定為逸品。耆少峰觀察

藏有墨山水小卷氣韵精采落筆自矜。瑛蘭坡中丞藏有仿思翁雲山

亭子便面乾濕互用風韵蕭然。心泉上人藏有墨山水小册八葉尤為

高逸。錢陳羣跋半葉。

馮敏昌字伯求號魚山。廣東欽州人。乾隆戊戌翰林改戶部主事。書

法二王。善寫松竹蘭卉。著河陽金石錄文章心印小羅浮草堂諸集。文春園直刺藏有大行楷大橫幅何伯瑜處士藏有小行書梓人傳卷近瘞鶴銘法。

馮承輝字承伯號少眉。江蘇婁縣人。歲貢生。工篆刻人物花卉。晚

年寫梅號梅花畫隱。余外舅張溫和公極推服之。著古鐵齋詞鈔印

譜印學管見歷朝印識兩漢碑跋琢玉小志棕風草堂詩稿。韓角邑比

部藏有七行篆書大幀張子和比部藏有墨梅大卷溫公題識。弟有

光字星仲。貢生。畫梅師冬心。夫婦皆以鑒賞娛情。張子和比部

藏有紅綠梅花絹本卷倔強孤高幾抗冬心。行書七絕二首識語三行

亦頗古雅。

馮金伯字冶堂號南岑。江蘇南匯人。官句容訓導。喜書畫。著墨香

居畫識兩種頗資鑒賞考核。余藏有行楷便面法率更而兼華亭。子

是蕙字棉莊。秉庭訓工寫花鳥以俟過目。

馮津字雲槎。浙江桐鄉人。官雲南劍川知州。工書畫精鑒賞富收

藏。著論畫編畫家姓氏便覽。家西園主人藏有論定九龍山人畫尺

牘一通約百餘言箋紙長三尺許詞旨精確筆意舒秀兼趙董兩家。

童銓字二如一字二樹號札岩一號借庵子。浙江山陰人。家貧以畫

給。書法右軍。寫梅宗揚無咎山水竹蘭師梅道人。工詩詞袁枚極

重之為梓其二樹山人集。心泉上人藏有墨筆仿仲圭山水立幀亦頗

奇致。倪小舫署正藏有墨梅大屏八幀以古健另樹一幀。古肆見有

墨竹蘭石立幀極剛健姿。草書七絕一首。

熊方受字介茲號夢庵。廣西永康人。乾隆庚戌進士。官山東衮沂

道。書法歐董擅用濃墨。著偶園詩草。古肆見有行楷箋紙冊。

洪亮吉原名禮吉字稚存號又舄。江蘇陽湖人。乾隆庚戌探花授編

修。以言事遭戍伊犁釋歸自號更生居士。篆法李陽冰兼隸書。工

詩詞文。著附舄軒著施閣更生齋等集輯北江詩話。韓芸孫署正藏

其祖芸昉中丞款五行篆書大幀。余藏有先曾祖自東公款行書錄舊作詞八闕橫幅又篆書友于堂匾額。

洪範字石農。安徽休寧人。官山東衮沂道。工山水蘭竹。許體泉藏。尹藏有絹本設色山水冊。款署摹古十二幀于任城官舍略似耕烟。

李梅卿比部藏有風篁烟篠大幀。金學蓮題七絕二首。

洪承祖字靈士號林士一號紫霞山人。安徽歙縣人。工花卉在白陽南田之間別存蹊徑。吳定甫刺史藏有設色花卉卷幽逸之氣撲人眉宇。鈕叔開駕部藏有設色花木小冊意極疏雅。

翁嵩年字康伯號蘿軒。浙江錢唐人。康熙戊辰翰林。工山水。著天香書屋稿白雲山房友石居諸集。余藏有墨山水便面作年七十一歲以枯瘦之筆不犯作家習氣洵高致也。

翁方綱字正三又字忠叙號覃溪一號蘇齋。順天大興人。乾隆壬申翰林官內閣學士。書法永興工篆隸。考證金石著復初齋全集歷代名人年譜。平生鈎勒碑版甚夥凡翁刻者皆精。陳詩庭孝廉藏有臨化度寺碑冊款署癸巳冬日摹第二十一通。家西園主人藏有真草隸篆鐘鼎文字冊實精絕罕作之品。又隸書游潭柘寺和韵七律大橫幅書年八十三歲。余藏有臨香光虞書小楷冊仍是永興凝重意書于山左試院。又次曹儷笙太傅詩韵行楷寬橫幅。又春江花月圖小照題詩橫幅款署春潭云云。古肆見有隸書王昶墓表銘大幅尚未裝池也。翁樹培字宜泉。方綱子。乾隆丁未翰林官刑部郎中。工篆隸尤擅摹鐘鼎文字。嗜金石著宜泉錄。心泉上人藏有摹寫商周彝器文字立幀朱次卿司訓藏有隸書四行屏六幀。

翁廣平字梅村。江蘇震澤人。道光元年舉制科。山水師婁東。工篆隸。陳鶴舟明府藏有設色山水便面。子雒字穆仲號小海一號小梅。工花鳥草蟲。心泉上人藏有設色花鳥短屏四幀。許體泉藏有花卉蟲魚絹本冊極臻物趣。

官國苞字霜橋。江蘇泰州人。工蘭卉英廉推重之。余藏有墨蘭立幀。其後人子行明府名本昂為山左牧令近代收藏家也。耳其名者

廿餘年余亦曾往山左惜未覲面而得縱觀其所藏。

龔鼎孳字孝升號芝麓。安徽合肥人。崇禎戊辰翰林清朝官刑部尚書謚端毅。工詩詞書畫。著定山堂集。高懿伯駕部藏有小行楷錄舊作詩冊脫去楷習別饒趣旨。

龔賢字豈賢號半畝一號半千又號野遺晚號柴丈人。江蘇崑山人為金陵八家之一。山水宗北苑擅焦墨。著畫訣香葉草堂等編。家西園主人藏有墨筆江干獨釣圖金箋立幀愈濃厚愈見骨采。余藏有墨山水大幀款署一翁社長仿北苑最為靈杰。世傳有墨無筆者概皆贗鼎也。

龔翔麟字天石號衡圃晚號田居士。浙江仁和人。康熙辛酉副貢生官御史。工詩翰。著田居詩稿輯紅藕莊詞選。心泉上人藏有董文敏設色山水卷。有其小行楷詩跋二十一行。

鍾仁字壽民。浙江石門人。工小楷學晉人。山水極高有元人氣息。瑛蘭坡中丞藏有小楷節書佛道教經便面。

佟毓秀字鍾山。湖北駐防漢軍正藍旗人。官甘肅巡撫。山水宗倪

迂。曩游古肆得墨山水冊十葉靈警清疏。款署擬迂老意寫放翁句。途遇宜春字少司農相與鑒賞遂携去而自償值矣。

江介原名鑑字石如。浙江錢唐人。花木書法皆近南田梁同書推重之。程仲立太守藏有設色歲朝圖長幀賦色妍雅。

江聲字叔澧一字鯨濤號艮庭。江蘇元和人。精說文。工書善尺牘。著尚書集注音疏經史子準繩論語俟質恒星說。晚年舉孝廉方正。家西園主人藏有行楷尺牘一通歷歷數百言吳修跋識。

江清驥字小雲號頤園。浙江錢唐人。道光庚子舉人官江蘇常鎮道。工篆隸行草。家君七十歲壽屏出其隸書。余藏有臨書譜屏四幀又

篆書五行立幀。

龐璫字霽公號雪崖。直隸任丘人。康熙乙卯舉人薦鴻博授檢討官福建寧知府。工詩文詞翰著叢碧山房集。王信甫比部藏有小行楷自錄舊作冊十葉。附葉邊浴仁跋九行。

祁彥佳字止祥號雪瓢。浙江山陰人。天啓丁卯舉人官吏部司務。鼎革後隱梅市。工花卉山水古肆見有設色花卉絹本直幀。

祁雋藻字叔穎一字實甫號春浦晚號觀齋。山西壽陽人。嘉慶甲戌翰林官大學士謚文端。書法誠懸參以魯直。藏書甲山右。著履齋詩集。張子和明府藏有和溫公雪浪盆詩小行書卷。申旭亭比部藏有四色箋楷書格言屏四幀。款署夫子蓋公為申文恪公啓賢所得士也。余家藏有臨十七帖大幀。先伯問樵公款。古肆見有臨二王三帖冊。款署咸豐紀元春日。

伊秉綬字組似號默庵一號墨卿。福建寧化人。乾隆己酉進士官江蘇揚州知府。書法李西涯尤工古隸為當代能手。著留春堂詩集。曾筌巢侍御藏有和張船山驛柳詩行書卷款署花溪老伯命和韶州舟次呈稿。趙撝叔明府藏有三行隸書大屏六幀。張堯農水部藏有紙本大屏隸書兩幀行書兩幀款署茶山云云。家西園主人藏有小行書冊八葉意擬誠懸極圓轉之妙。又隸書四行大幀時款一行款署蓮波觀察。子念曾字少沂號樛石。官浙江處州同知。工篆隸鐫刻兼寫山水梅花。楊少初太守藏有墨梅大幀。隸書七絕二首行書時款一行。

司馬鍾字子英號秀谷一號綉谷又號綉鵲別號紫金山樵。江蘇上元人。官直隸河工州判。工山水人物花鳥以蒼勁變格。楊少初太守藏有設色花鳥蔬果蟲魚大冊百葉精神會聚靡有雷同。家西園主人藏有設色山水冊八葉雖署各摹一家仍係本色。卓岷原比部藏有壽海帆相國明良喜起圖大幀時款辛丑。心泉上人藏有墨鈎瘦馬立幀。

款署潤楚侍郎。余藏有松鷹便面乃世父所遺款署君子之秉正嫉邪如鷹鷂之逐雀寫為雲門七弟昇日期之時乙卯秋七月既望。又有海棠翠羽立幀款署道光壬辰春日擬漢陽太字意正中年佳作無俾霸習也。

韋光霽字君綉號漣懷又號洞虛子。江蘇長洲人。工書。秦瀛極推重之。著在山堂集。家西園主人藏有行楷岳陽樓記大卷。

歸莊初名祚明字玄恭號恒軒。江蘇崑山人。昌世子。與顧炎武友善有歸奇顧怪之目。工草書。著懸弓集萬古愁傳奇論者稱為離騷天問一種手筆。古肆見有行草懷人詩綾本立幀筆法遒勁氣味高逸定為明末人書款署玄恭二字鈐以鼎式印章極古雅而文模糊莫辨或即其人歟。

徐樹丕字武子號塲東居士。江蘇長洲人。明諸生。工隸楷。著中興綱目識。心泉上人藏有宋拓雲麾碑有其隸書跋三葉。歸馮展雲中丞。瑛蘭坡中丞藏有小楷金箋便面純法鍾元常。

徐枋字昭法號澗上又號秦餘山人雪床庵主人。江蘇吳縣人。崇禎壬午舉人。書法二王山水宗荆關兼工花木。夙以孝稱。著俟齋集居易堂集二十一史文彙。潘星齋少宰藏有墨筆深山讀易圖紙本大幀。禿筆細皴平遠險易布置深邃。家西園主人藏有墨筆群仙拱壽圖花木大幀用筆古健極有鋒棱。弟柯字貫時號東海得其法。居二株園為詩畫會。著一老庵集。姚仲海農部藏有自寫二株園第二圖卷長約三尺一時題咏凡九段。惜出觀時為俗子敗意僅記末有潘奕傳跋一段。

徐蘭字芳若號芝仙。順天通州人。工花卉。從安郡王出塞著出塞圖詩芝仙書屋集。余家藏有設色海棠丁香紙本立幀窮極生動不徒以敷染見長。每當春季懸諸壁間與瓶中所插二花掩映爭妍。當時好遠游所作皆散帙四方至今搜求不易。

徐方字允平號鐵山一號亦舟。江蘇常熟人。山水以清麗遜王翬改畫馬特臻神妙。周荇農少司農藏有設色春郊試馬圖絹本卷筆意雖平迥非耕烟蹊徑益見昔人之立志也。

徐鉉字電發號拙存又號虹亭晚號楓江漁父。江蘇吳江人。薦鴻博授檢討。工山水詩古文詞著南州草堂集菊莊詞。潘連舫光祿藏有墨筆山水殘冊二葉。文人雅製俗手弗能擬及也。

徐政字采若號華塢。江蘇吳縣人。王翬弟子兼工花卉。增芝田觀察藏有仿李營丘墨筆寒林圖寬幀。張子和比部藏有設色荔支青鳥立幀。

徐用錫字壇長號畫堂。江蘇宿遷人。康熙乙丑翰林官侍講。工書。家西園主人藏有行書洛神賦小冊直逼思翁。

徐昂發字大臨號畏壘。江蘇長洲人。康熙庚辰翰林授編修。工書。著畏壘山人集。余家藏有小行書詩卷頗具古意。

徐溶字雲蒼號杉亭一號白洋散人。江蘇吳江人。山水私淑王原祁。何伯瑜處士藏有墨山水卷款署仿大痴秋林夜泊圖意文子先生云云。用筆濕潤似拘守法度也。

徐揚字雲亭。江蘇吳縣人。欽賜舉人官中書供奉內廷。工山水花卉。古肆見有墨鈎牡丹大幀筆意工妍惜少士夫氣耳。

徐貞木字士白號白榆。浙江嘉興人。工篆隸行草。鐫刻詩詞著懷古堂集。唐笛舫上舍藏有隸書大冊十四葉古趣盎然。

徐良字鄰哉號間存一號又次。江蘇華亭人。乾隆壬申舉人官四川夔州知府。書法思翁。王蓮西通副藏有寫佛遺教經小楷冊。

徐堅字孝先一字友竹號觀亭一號觀園晚號澡雪老人。江蘇吳縣人。貢生。工篆隸山水。著觀亭詩鈔。家西園主人藏有法董文敏仿北苑山水大卷。古肆見有墨山水大幀蒼厚皆近司農。

徐鉞字彥常號西潤。浙江仁和人。庠生。工山水。張子祥畫史藏有

摹古山水小冊。增芝田觀察藏有仿廉州松溪高隱圖大幀。借其名不遠揚以畫論較同時王學浩殆有過之。

徐世綱字鈍齋號鈍頭陀。浙江秀水人。黃易友。工山水。人物得老蓮法。著通介堂集。古肆見有采芝仙人立幀題五律一首。

徐椿字寶齡號竹塘。徐溶子。工臨古迹。古肆見有墨筆仿房山便面。從弟梅字曉村。畫入逸品所謂游戲神通。古肆見有錢春圖便面白笋朱櫻青梅紫蕙簇簇如生。

徐岡字立山一字評山號九成。浙江錢唐。工花鳥。余藏有設色鸚鵡栗子菊花立石直幀。陳鶴舟明府藏有桃樹松鼠直幀。王信甫比部藏有海燕蟠桃大幀皆似新羅書款亦類之。

徐渭仁字文臺號紫珊晚號隋軒。江蘇上海人。工篆隸行楷。精鑒定。周鐵珊太史藏有臨香光書杜詩大卷直逼陳玉方。

徐松字星伯。順天大興人。嘉慶乙丑傳臚官鴻臚寺少卿。工書。精地理史學著西域水道記新疆識略唐兩京城坊考西域傳補注。余藏有行書詩冊純具書味款署伯雨。

余集字蓉裳號秋室。浙江仁和人。乾隆壬辰翰林官侍講學士與鹿鳴宴晉三品卿。工山水花卉尤精士女有余美人之目。著秋室集。許

樸齋太守藏有墨筆花卉小冊筆趣妙逸不染纖塵。又日暮倚修竹圖士女立幀。余藏有絹本寫落花人獨立微雨燕雙飛詞句士女立幀極靜妙趣。

余省字曾三號魯亭。江蘇常熟人。供奉內廷。工花鳥。余家藏有設色荷花絹本大幀工麗有餘神韻略減。

余文植字樹人號侶梅。江蘇吳縣人。詩畫有奇氣金農後未易多觀。山水人物花卉出筆古拙。善鑒藏。嗜金石。潘鄭龔大司空藏有設色秋葵竹石立幀直接冬心。楊礪題七絕一首識語二行。

余懷字無懷號澹心又號鬢持老人。福建莆田人。工書精詩詞。僑寓

白下徵歌選曲至老不倦。著板橋雜記味外軒稿。古肆見有無款士女立幀。有其行書題南北曲三十行亦小照之屬。

舒位字立人號鐵雲。順天大興人。乾隆戊申舉人。工花卉山水。著瓶水齋集。李石坪衛戎藏有墨花卉屏四幀有天池奇氣。

諸昇字曰如號曦庵。浙江仁和人。寫竹專家。心泉上人藏有墨竹大屏四幀風雨烟雪四景。余家藏有竹石絹本大幀尤覺秀勁。

諸錦字襄七號草廬。浙江秀水人。雍正甲辰進士復舉鴻博。廷試授編修官贊善。工書。著饗禮補亡毛詩說夏小正注絳跋閣集。瑛蘭坡中丞藏小楷金箋便面款署次山筆意兼大令永興。

虞沅字晚之。江蘇江都人。工花鳥。吳退之司訓藏有設色玉蘭鸚鵡立幀得北宋遺製。揚州派蓋自其始惜後人多不善宗之也。

虞潢字已凡號倚帆又號西湖晚號師竹老人。本杭州籍流寓直隸。魏縣人。廩生。以張廷玉薦授翰林院待詔。工書。高懿伯戎部藏有臨襄陽詩冊其筆法仍出吳興也。

吳偉業字駿公號梅村。江蘇太倉人。崇禎辛未榜眼官司業清朝遷祭酒。工山水書法坡公。與董宗伯王奉常諸畫家友善作畫中九友歌紀之。詩名滿區宇著梅村詩集。心泉長老藏有墨山水立幀筆意蒼萃元諸家別具簡逸之趣當在思翁烟老之間李檀園程松圓尚有避舍處何況餘子惜為詩名所掩流傳頗罕。長老以余見稱意肯割愛適余祭掃鄉間隔日往索已為識者攫去交臂之失至今悵悵。古肆見有絹本設色仿北苑雲山大幀靈石楊氏舊藏雖為真迹油污不堪難入珍秘耳。子曝字元朗號西齋。康熙戊辰進士官給事中。工詩翰。著西齋集。瑛蘭坡中丞藏有小行楷錄自詩便面頗覺自然大雅。

吳造字石公。江蘇上元人。工詩。畫與龔賢為金陵八家。吳子復太守藏有設色菊花小卷長僅三尺盡香艷之妙。

吳麐字堯圃號農村又號南溪老農。江西南昌人。工山水。王竹吾司

馬藏有設色仿大痴浮巒暖翠圖大幀。作年八十歲得奉常皮相。陳鶴舟明府藏有設色山水小冊史震林巖鉅等題。

吳錫麒字聖徵號穀人。浙江錢唐人。乾隆乙未翰林官祭酒。工書。擅詩賦駢體文。著有正味齋全集。余藏有先曾祖自東公款行楷五律詩橫幅。又寄石士先生題山水障子行楷七古直幀較詒晉齋書筆力少遜風味似勝之。

吳宏字遠度。江西金溪人僑寓上元同為金陵八家。畫宗宋元。瑛蘭坡中丞藏有墨山水便面筆意縱橫無瑣屑態。

吳士旦字托園。浙江海鹽人。工書。余家藏有綾本行書屏四幀得晉人風味乃祖物流傳竟為族人所弃物理無常世守之難也。

吳山濤字岱觀號塞翁。安徽歙縣人。崇禎己卯舉人官陝西同谷知縣被誣去官。工詩書畫。著塞翁集。吳子復太守藏有墨山水大卷蕭然淡遠深似查二瞻逸品也。

吳歷字漁山號墨井道人。江蘇常熟人。工山水深詣宋元。晚年肆力西法尤精青綠。書法坡公。善鼓琴。踰伏海濱遂弃家焉。案墨井畫在六家中僅列烟客次當與湘碧抗行石谷麓臺各有未逮處南田則異曲同工不能軒輊耳。心泉上人藏有設色秋林步月圖立幀。時款庚申春日。又設色秋寺晚鐘圖紙本卷。阜蔭方尚書藏有青山綠水紙本大幀以西法兼子久屋宇如界畫雄杰靈奇不肯寄人籬下。時款康熙四十年晚年精力聚于此。李梅卿比部藏有微著色山水直幀工整謹飭。行書七絕一首款署詩畫寄半園先生。曾笙巢侍御藏有仿張僧繇翠嶂瑤林圖紙本大幀如錦衣御服氣象堂皇令觀者低徊不去。翁叔平大司空藏有墨山水大幀古健沉宏心思獨運。張湛如水部藏有墨山水紙本大冊十葉極臻蒼古。卓岷原比部藏有設色金焦圖紙本小幀。張樵埜少司農藏有設色山水紙本小幀皆合董巨妙諦。古肆見有墨筆松溪書閣紙本大幀。時款乙卯年閏五月廿五日

行書二行。又紙本設色松葉山房圖寬幀。陸飛汪恭行書二跋。陶曼生太守藏有仿燕文貴設色秋江泛望圖金箋尺幀。余藏有仿松雪設色仙居圖便面愈濃湛愈見清刻。陳詩庭孝廉藏有墨筆仿江貫道絕壑飛流圖紙本大幀。時款乙卯閏五月寫。老筆紛披觸手生辣自足俯視諸家也。弟子王者佐字師尹。同邑人。心泉上人藏有設色春江花塢圖絹本大幀筆意近耕烟。古肆見有墨筆寫白樂天詩意畫冊十葉。王文治跋後九行。時款己酉陽生之月。

吳之振字孟舉號黃葉村農。浙江仁和人。貢生。授中書。工書。輯宋人詩鈔著黃葉村農集。陳詩庭孝廉藏有行書詩冊十葉得晉人風味。劉仙舟離尹藏有楷書詩冊兼大令永興極為腴潤。

吳振武字威中。浙江秀水人。朱彝尊甥王原祁弟子。官順天寶坻知縣退以畫給。兼花木工指法。張子和比部藏有設色花卉樹木竹菊冊蒼涼淡雅使人不可逼視。瑛蘭坡中丞藏有墨山水便面雅似石田乃暮年指作也。

吳騏字子仁。江蘇寶山人。工畫。手錄圖繪寶鑑。瑛蘭坡中丞藏有墨竹石便面仿仲圭極清雅。

吳博屋字補齋。江蘇吳江人。工花鳥為惲格後稱嗣音者。王信甫比部藏有摹元人小品畫冊妍秀頗足悅目。

吳霽字倬雲號竹堂。浙江錢唐人。乾隆癸未進士。淡榮利精著作書畫并妙。著晚翠樓集。曾笙巢侍御藏有淡著色竹深荷淨圖短卷筆雅意超使新羅復生亦當把臂入林。

吳文徵字南薌。安徽歙縣人。官山東同知以書畫名公卿。孫星衍歷境繪圖多出其手。吳澧緣太守藏有墨筆鵲華秋色圖卷經營位置兼南北兩宗。行書七絕二首。孫星衍金學蓮趙懷玉各步韵于後。伊秉綬行書跋五行。桂馥隸書鵲華秋色圖于首。吳存義黃鉅各觀款并傳其中年擅寫生得白石白陽之風焉。

吳履字竹虛號瓦山野老一號公之它。浙江秀水人。工山水花卉篆刻。著苦檮庵集與奚岡黃易稱浙西三妙。沈峻如指揮藏有為曾賓谷中丞畫雨茅屋圖小卷。王芑孫張問陶等題咏甚夥。陳詩庭孝廉藏有墨花木長卷雅似毗陵。心泉上人藏有墨山水花木竹蘭冊八葉行楷題識。又仿姚雲東墨山水立幀。

吳寶書字松厓號籀仙。江蘇無錫人。王文治弟子。工詩駢體文。善寫花果尤精士女改琦極推重之。晚年好寫墨梅文竹文石。得意作鈐有作千秋想印章。古肆見有綠竹墨石便面。

吳修字子思號思亭一號筠奴又號筠哥。浙江海鹽人。工寫生。精鑒定收藏。刻名人尺牘帖江海連珠帖青霞館帖。著吉祥居稿。余藏有設色博古花卉大幀名款書于瓶腹內文人雅製也。

吳榮光字伯榮號荷屋。廣東南海人。嘉慶己未翰林官湖南巡撫。書由率更而詣眉山畫宗仲圭。精鑒金石著吾學錄綠伽楠館諸集。古肆見有墨筆仿梅道人畫大幀筆意雄獷借款識挖損真殺畫創子手也。許仁山閣學藏有小楷便面直逼迨晉齋。又設色山水便面亦極清健。又設色花卉便面得南山妙意。余藏有行書蘇詩長卷自嶺南旋留別邑紳溫庭園觀察矣。

吳肅字及之一字山尊號抑庵又號南愚山樵晚號達園。安徽全椒人。

嘉慶己未翰林官侍講學士。工書畫駢體文。著夕葵書屋集。心泉上人藏有臨米詩札冊饒有逸致。王朵園觀察藏有設色歲朝圖士女大幀筆意雅秀惜絹本熏污矣。

吳嵩梁字子山號蘭雪一號蓮花博士梅影中書。江西東鄉人。嘉慶庚申舉人官貴州黔西知州。書法蘇米詩名冠當代。著香蘇山館全集。陳同叔比部藏有行書錄舊作五律詩冊十四葉。王竹吾司馬藏有行書印箋立幀款署理堂九兄。

吳東發字侃叔號芸廬。浙江海鹽人。錢大昕弟子。歲貢生。工山

水。著商周文拾遺、耘廬詩鈔。瑛蘭坡中丞藏有墨山水便面。款署仿方壺長卷一角極蘊藉高雅亦文人妙作也。

吳慈鶴字雲巢。江蘇吳縣人。嘉慶己巳翰林官祭酒。工書。古肆見有小行書五七律詩冊極有丰致款署鈴庵。

吳秉權字經可號小亭。吳修子。紹父業兼工篆隸。余家藏有篆書界方朱絲絹本大橫幅無款識有印章二方。

吳允楷一名楷字辛生。江蘇吳縣人。翟繼昌弟子傳其法。書法南田。陳夕帆刺史藏有設色水仙墨石便面與琴峰作如一手。

吳咨字聖俞。江蘇武進人。趙學轍甥。工篆隸鐫刻。弟儆字子眷亦擅其業。古肆皆見有篆隸屏幀。

吳賢一名炎字竹香。浙江錢唐人。顧洛女夫畫出其門。後游江南遍訪師友以琢磨年甫三十餘遽卒。陳夕帆刺史藏有設色花鳥便面似新羅略工致。行書七絕一首。

吳熙載原名廷鳳字讓之號晚學居士。江蘇儀徵人。包世臣弟子。工花卉篆隸鐫刻。景劍泉閣學藏有三行篆書屏四幀設色花卉屏四幀。陳夕帆刺史藏有設色花卉便面。寫紅蓼花疏水國秋句。又臨書譜便面。乃一扇面背皆款署仲陶。

吳廷康字贊府一字康甫號元生又號茹芝。安徽桐城人。工篆隸鐫刻。輯慕陶軒古甄錄。景劍泉閣學藏有三行篆書屏四幀。又傳其晚年寫梅得金石氣惜未見焉。

吳雲字少甫號平齋晚號退樓又號愉庭。浙江歸安人。官江蘇道員。好古精鑒書法平原。著兩疊軒彝器圖釋詩文尺牘題跋。潘偉如中丞曾以其書行楷橫幅寄贈謂其筆法深沈為近時中必傳之書也。

朱奎字個山一字个山號雪個一號雪个。故石城府王孫鼎革後自號八大山人。書畫獨出新奇不拘矩矱。濮瓜農孝廉藏有墨筆山水花木禽魚大冊十八葉祇可擬以化工耳。

朱用純字致一號柏廬。江蘇昆山人。甲申遭亂棄諸生隱居教授確守程朱。著格言。工書。家西園主人藏有行書尺牘三通筆意秀潤純法二王也。

朱嵩字中峰。浙江山陰人。工山水。同時王翬長于設色嵩工于用墨。翬乾濕筆互用。嵩專用濕筆。余家藏有墨山水立幀參仿北苑叔明一渲一染能博渾淪氣象亦非專用水墨也。

朱彝尊字錫鬯號竹垞又號樞舫一號金風亭長小長蘆釣魚師。浙江秀水人。薦鴻博授檢討。詩古文詞考證擅名一代精研經學。工分隸。著日下舊聞考曝書亭等集。陳詩庭孝廉藏有六行隸書絹箋大幀。弟彝鑑字千里。工書畫篆刻。陳冠生殿撰藏有寸隸書舊作大卷。孫稻孫字稼翁。薦鴻博。隸得家傳。著六峰閣詩稿。王金珊農部藏有五行隸書大幀款署稼翁二字。有六峰閣文恪後裔兩印。

朱倫瀚字涵齋。勝國宗室。隸漢軍正紅旗人。康熙壬辰進士官都統。指畫得舅氏高其佩傳。家西園主人藏有碧溪青嶂圖大幀指法奇矯略失霸悍。袁子文上舍藏有牧牛圖立幀。子孝純字子穎號海愚。乾隆壬午舉人官兩淮鹽運使。畫仿倪迂。著海愚詩鈔。心泉上人藏有寒林高士圖大幀用筆雅逸勝父作也。

朱文震字去羨號清雷一號青藟。山東歷城人。至京師從紫瑤道人游。官詹事府主簿。山水宗倪黃隸摹禮器碑。余藏有墨筆仿承旨江干七樹圖寬幀奇矯聳拔純從金石中得來款識辛巳嘉平行楷隸書三段。瑛蘭坡中丞藏有設色花間堂圖便面款署紫瑤主人命篆書花間堂圖四字行書一震字下鈴紫瑤弟子方印境界空靈儼似曹雲西。

李梅卿比部藏有仿松雪設色鵲華秋色圖大卷直可擬以耕烟。心泉上人藏有隸書絹箋屏四幀。又墨筆仿徐幼文山水立幀平遠荒寒極為高逸。王竹吾司馬藏有仿各家山水冊內臨江南春冬晴圖匡廬西面諸作尤為精製。款署青翁先生有梅嶼心賞單叢兩印。